



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XLIII. Gregorii Papae I. Ad Bonifacivm Episcopvm Regitanvm. De  
iniustitia Stephaniae facta.

**urn:nbn:de:hbz:466:1-15221**

coni filiam, quod nefas est dici, stupro deceperit. Quod si  
 verum est, quamuis graui esset de lege pœna plectendus,  
 nos tamen aliquatenus legis duritiam mollientes, huius-  
 cemodi disponendo præcipimus: vt aut quam supra-  
 uit vxorem habeat, aut certe si renuendum putauerit, di-  
 strictius ac corporaliter castigatus excommunicatusque  
 in monasterium, vbi pœnitentiam peragat, retrudatur: de  
 quo ei nulla sit egrediendi sine nostra præceptione licen-  
 tia. Ita ergo fraternitas tua vt hæc compleantur studeat,  
 quatenus nihil de his aliquo modo possit omitti. Nam si  
 quid, quod non credimus, lentatum fuerit, & illi graue  
 postea periculum imminebit, & te non leuis incipiet cul-  
 pa respicere.

Ioan. diac.  
 lib. 4. cap.  
 41. vitæ.  
 luo p. 8. c.  
 41.

## EPISTOLA XLIII.

## GREGORII PAPÆ I.

AD BONIFACIUM EPISCOPVM REGITANVM.

De iniustitia Stephanix facta.

*Gregorius Bonifacio episcopo Regitano.*

SICVT ecclesia proprias res amittere non debet, ita eam  
 Srapacitatis ardore inuadere alienas non oportet. Ste-  
 phania siquidem latrrix præsentium, quasdam res suas tem-  
 poribus decessoris tui Lucii quondam episcopi ab actori-  
 bus eius vi queritur occupatas. Et quia sibi eas petiit iusti-  
 tia fauente debere restitui, propterea fraternitas tua cum  
 Dei timore hæc quæ asserit subtiliter curet addiscere. Et si  
 ita, quemadmodum suprascripta femina ait, esse repere-  
 rit, quæcumque male ablata sunt, faciat sine aliquo dam-  
 no vel dilatione restitui. Nam valde durum est res alienas  
 contra rationem ecclesiam detinere. Ita ergo querimo-  
 niam præfatæ mulieris salubriter finire festina, vt nec nos  
 exinde denuo molestiam patiamur, nec te auarum vel de-  
 fidiosum hæc causa demonstret.

Grat. 12. qu.  
 2. cap. 49.